

AKASHVANI AIZAWL
REGIONAL NEWS BULLETIN
HEADLINES (EVENING)

- 1. Sorkar laipuiin GST chhiah thar bithliah chu Mizoram state mipui tan thu lawmawm a nih laiin state sorkar in chhiah lakkhawm lamah nasa taka tan lak a ngai thung tih mithiam ten an sawi.
- 2. Mizoram University-a Associate Professor Dr. Zoramdintharan vawiin khan National Award to Teacher for Higher Education 2025 a dawng a, Higher Education bikah hmarchhak state-a he award dawng hmasa ber a ni.
- 3. President Droupadi Murmu chuan ramchhung hmeichhiate tana zirna tha pek chu hmeichhe naupangten kaihhruai hmasawнна tihhlawhtlinna tur a ni a ti
- 4. Senior BJP leader leh Union Commerce and Industry Minister Piyush Goyal chuan GST thar chu ram chanchina thil chhinchhiahtlak anih thu a sawi.

<><><>

GST

Sorkar laipuiin GST chhiah thar a bithliah chuan Mizoram state chhungah mipui tan thu lawmawm a nih laiin state sorkar in chhiah a lakkhawm a tlakhniam loh na tur dap a ngai thung niin mithiam ten an sawi.

Akashvani News in a kawmnaah Mizoram University-a Economics Professor Dr James LT Thanga chuan GST Reform 2.0 hman a nih hunah chuan Mizoram sorkar chuan a tuar dawn a ni, a ti a. Mizoram in GST a lakkhawm atangin cheng vbc 90-200 inkar bawr vel a hloh a rinawm a, hemi zat chan tur hian Mizoram dinhmun a tha tawk lo a ni a ti.

Tunhnaiah GST lakluh a tlakhniam chhan Assembly Subject Coomittee in a a sawi dan chuan Departmental work a GST awmlo chu a ni a ti a, hei hi siamthat ni rawh se tih a ni. Departmental work hnuaia Contract ah hian GST zaa 18 lak a ni a, hei hi nasa taka sorkarin a umzui a ngai dawn ni a an hmuh thu Dr James-a chuan a sawi a, bungrua atanga sumdawng leh midangten GST an pek leh central atanga state in a hmuh chu a tla dawk dawn a, hei vang hian state sorkar chu a inrin hle a ngai dawn a ni a ti. State sorkarin a tih theih dang pakhat chu, GST lakna tur huang zauh a nih thu a sawi bawk a, A bikin Aizawl bazar hmun lian deuhah te foreign siamchhuah, thawmhnaw te, electronic lam thil te leh thildang tam tak, tunhmaa chhiah lak ngai lohna ah te chhiah a lak theih dan ngaihtuah a theih a, chhiah khawнна tur huang zauh ngei a ngai ang a ti a ni.

Financial & Political Analyst Pu Lalhunliana Ralte chuan Mizoramah GST registration nei ve ngei tur ten an nei lo tih sawiin, heng mi te hi zawnchhuah a, khawrh chhuah kawngah state sorkarin tan a khawh ve tlat a ngai a ni a ti bawk.

State Taxation Official te atanga Akashvani thudawn danin Mizoram chu thil siamchhuak lo, a leitu leh lalut ringawttu zawk-consumer state a nih angin, GST pek that a ngai dawn hle a, supplier leh works contractor lam in an pek that loh chuan, chhiah lakkhawm ah hmasawнна lam pan a harsa dawn a ni.

<><><>

GST HAILED

Comptroller and Auditor General of India report tih chhuah Chief Minister-in Assembly session hnuhnung bera a pharh ah March 31, 2023 ah hnathawh zawh loh a tarlan zinga mi, Buhchangphai Solar Water Supply Scheme chu Kolasib District MJA member ten vawiin khan an tlawh a.

Buhchangphai a Kolasib District MJA te lo dawngsawngtu Buhchangphai Village WATSAN Committee Chairman Pu Lalsangbera, VCP ni bawk chuan, an khaw Tui lakna Solar Pumping WSS chu, hnathawh tan tlai avangin a hun takah zawh ni lo mahse, August 17, 2023 atang khan an khaw Tui lakna hi an chhawr tan a, tunah chuan an tangkaipui hle tih a sawi a. Tui pump-na tura dah Solar plate te chuan Electric Power kw 37.5 a siam chhuak thei a, tui pump-na atan an khawl hman hi 30hP niin, khawl chu a chawm zo tha hle niin a sawi. Ni a sat that chuan Tui Tanky pump khat turin hun a duh rei lova, Tanky pahniha Tui liam veng turin WATSAN Committee chuan mi pahnih an ruai tih a sawi bawk.

Kolasib District MJA hruaituten PHE, Kolasib WATSAN Division Sr. EE Pi Lalrosangi an biakna ah Buhchangphai khua a cheng chhungkaw 233 chuan Tui Connection an nei tawh a, Department lam chhinchhiah dan in, Buhchangphai ah Tui Connection neilo an awm tawh lova, chutihlai chuan hmun dang atanga pem lut leh In dang thar te an awm thin avangin Tui Connection nei lo palh erawh an awm thei a ti a nji.

Buhchangphai Solar Pumping Water Supply Scheme hmang hian ni khatah Tui litre nuai khat singli pump chhuah thin a ni a, ni khatah mi pakhatin tui hi litre 55 vel dawng ziah tur anga chhutin, Project design ang chuan he Scheme hi kum 30 chhung Buhchangphai mipui chawm thei tura tih a ni.

Buhchangphai Solar Pumping WSS hi nikum June 20, 2024 khan Buhchangphai WATSAN Committee te enkawl chhunzawm turin inremna siam in an kutah hlan a ni tawh a ni.

(Andrew Kolasib PTC)



TEACHER AWARD

Mizoram University-a Associate Professor Dr. Zoramdintharan vawiin khan ramchhung zirtirtu chawimawina sang ‘National Award to Teacher for Higher Education 2025’ President Pi Droupati Murmu-I hnen atangin a dawng a, Higher Education bikah hmarchhak state-a he award dawng hmasa ber a ni.

Dr. Zoramdinthara hi MZU Mizo Department-a Head of Department (HoD) a ni a; award hian silver medal, certificate leh pawisa fai cheng sing 5 a keng tel.

National Award to Teacher for Higher Education hi kum 2023 atangin zirtirtu thawk thate hnenah pek thin a ni a; Dr Zoramdinthara chuan chawimawina a dawn chu MZU-a athawhpuite leh a zirlaite tan a hlan thu a sawi.

CORR-johny



HARVEST

Tourism department hnuaia Association of Tour Operators Mizoram (ATOM) leh Agriculture department tangkawp in Agro Tourism chawikan nana Hmuntha Zau Lo Zawhpui an buatsaih chu vawiin khan Agriculture minister Pu PC Vanlalruata leh Tourism minister Pu Lalnghinglova Hmar ten an hmanpui

Agriculture Minister Pu PC Vanlalruata, bialtu MLA ni bawk chuan a bial chhung Hmuntha khua chu khaw taima tak an nih thu sawiin, Tourism department-ten hmathar lakna tlak an ni tih hriain hetiang ruahmanna an siam a ni a ti a, Hmuntha khuaah Tourism department-in home stay sa turina hma an la nghal a ni a ti.
(PC Vanlalruata byte)

Tourism minister Pu Lalnghinglova Hmar chuan, khualzin mite hîp nan lo zawh runpui hi tangkai taka hman theih a nih thu a sawi a, ‘A chhunga cheng ten ngaia an neih chu state pawn lam mi, khualzinte tan thil hmuhdawm tak a tling thin tih sawiin, Tawi tlang chu tourism hmun atana puan a nih tawh thu leh khualzinten an tlawh châk theih nan chei a nih dawn thu te, India ram hmehhriat khawpa chei tumin ruahmanna an neih mek thute a sawi bawk.

Hmuntha Zau Lo Zawhpuih hian sorkar hotu hrang hrang pawh an tel a, tlaiah ruai an kilho nghal a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

CLEANLINESS

Aizawl Mayor Pu Lalrinenga Sailo chuan vawiin khan Selesih Local Council leh a hnuaia Local Level Sanitation Committee te huaihawtin YMA, MHIP leh MUP-te tangho buatsaih Faina Beihpui a telpui a; khawlaia plastic bottle blawhhlawh, a hmun loa paihte lakhawma an leite tihralna hun an hmang

Pu Lalrinenga Sailo chuan, faina leh thianghlimna kawngah Aizawl khawpuiin hma a sawn thu sawiin, a lang lai chin chauh fai loa kawmkar thlenga fai tur leh faina piah lamah a mawina thlenga ngaipawimawh turin khawtlang mipui a chah a; plastic bottle leh polythene leikhawmte chu suma chantir duh vang a nih loh thu sawiin, khawtlang leh naupangte inzirtirna tura leikhawm a nih zawk thu a sawi.

AMC Executive Corporator (Sanitation & Solid Waste Mangement in-charge) Pu Laltlanzova Khiangte pawhin thu sawiin, AMC-in Aizawl khawpuih nitin lirthei trip 160 chuang bawlhhlawh a khawn khawm thu a sawi a; veng 20 velah in tina bawlhhlawh khawn kalpui chhoh tan a nih thu leh sarang tel lo bawlhhlawhte chu leitha atan siam a nih thin thu a sawi bawk.

(Desk)

<><><>

PRESIDENT

President Droupadi Murmu chuan ramchhung hmeichhiate tana zirna tha pek chu hmeichhe naupangten kaihhruai hmasawwna tihhlawhtlinna tur a ni a ti. Vawiina National Teachers Award 2025 semna hun New Delhi-a neih a hmanpuinaah he thu hi sawiin Pi Murmu-i chuan hmeichhe naupangten zirna tha an neih theihna tur chu ramina ngaihpaawimawh hmasak ber tur anih thu a sawi a. Hmeichhiaten zirna tha an neih theih nana sum sen chu a let leh a hlawk dawn tih sawiin chhungkua,khawtlang leh ramina hlawkpui dawn a nia ti.

<><><>

GST

Senior BJP leader leh Union Commerce and Industry Minister Piyush Goyal chuan GST thar chu ram chanchina thil chhinchhiahtlak anih thu a sawi. Vawiina an party headquarters-a chanchinbumite a kawmnaah he thu hi sawiin Pu Goyal-a chuan ramchhunga thil leitute tan phurrit tam tak chhawk zangkhai a ni dawn tih a sawi a. Hei hian sumdawwna kawngah pawh awlsamna tam tak a thlen ang a ti bawk.

Puan tawh angin GST Council thukhawm chuan GST a lakna thenkhat a tihniam a. He GST rate thar hi tun thla ni 22 atanga hman tan tur a ni.

GST rate tihhniam hian ramchhung hmun hrang hrangah lawm a hlawh hle a. A nik takin zirlai leh loneitute te chuan sawrkar thutlukna chuan an sum leh pai dinhmun a siamtha dawn tih an sawi a.

Delhi-a khawsa Lasmi Narayan chuan GST tihtlem chuan zirna lamah an mamawh thil leina kawngah nasa takin a pui dawn tih a sawi.

<><><>

PUNJAB FLOOD

Punjab-ah tuilian avangin mipuiten harsatna an la tawk chhunzawm zel. District 23 ah tuilian avang hian mipuiten harsatna an tawk mek a. Tuilian tuar nasa zingah hain Gurdaspur, Amritsar, Ferozepur, Fazilka leh Pathankot te chu a tuar nasa an ni a. Ludhiana leh Patiala ah te chuan Sutlej lui a len zel avangin inralring tura hriattirna red alert tihchhuah a ni.

Kan Correspondent sawidanin thingtlang khua 1900-a mi nuai 3 leh sing 8 chuangin harsatna an tawk mek a. Vawiin thlengin tuilian avanga chhiatna thlengah mi 43 an thi tawh a ni.

(Newsonair)

<><><>